

Broj: 02/7-377/17
Sarajevo, 30.11.2017. godine

SKUPŠTINA KANTONA SARAJEVO

PREDMET: Odgovor na zastupničku inicijativu zastupnika u Skupštini Kantona Sarajevo gosp. Rasima Lakote, podnesenoj na sjednici Skupštine Kantona Sarajevo održanoj 02.10.2017. godine, dostavljamo.-

VEZA: Akt Skupštine Kantona Sarajevo broj: 01-05-28024/17 od 04.10.2017. godine

U vezi zastupničke inicijative zastupnika u Skupštini Kantona Sarajevo gosp. Rasima Lakote, dostavljene vašim aktom broj i datum veze, obavještavamo vas o sljedećem:

Član 4. Ustava Federacije Bosne i Hercegovine propisuje da Kantoni imaju sve nadležnosti koje nisu izričito povjerene federalnoj vlasti. Posebno su nadležni, između ostalog, za uspostavljanje i nadziranje policijskih snaga koje će imati jedinstvene federalne uniforme sa kantonalnim oznakama.

Uredbom o jedinstvenoj policijskoj uniformi ("Službene novine Federacije BiH", broj 27/05 i 70/08) uređuje se izgled, dijelovi i boja jedinstvene policijske uniforme svih policijskih snaga Federacije Bosne i Hercegovine, kao i oznake koje se nose na uniformi.

Član 2. Uredbe propisuje da se jedinstvena policijska uniforma svih policijskih snaga Federacije Bosne i Hercegovine sastoji od: radno-taktičke uniforme (ljetno+zima)-muške, radno-taktičke uniforme (ljetno+zima)-ženske, radno-klasične uniforme (ljetno+zima)-muške, radno-klasične uniforme (ljetno+zima)-ženske, svečane uniforme (ljetno+zima)-muške, svečane uniforme (ljetno+zima)-ženske, uniforme za specijalne policijske jedinice, uniforme za policajce motocikliste-muške, uniforme za policajce motocikliste-ženske, uniforme za policajce bicikliste-muške i uniforme za policajce bicikliste-ženske.

Članom 3. Uredbe propisano je da je boja uniforme, odnosno njezinih sastavnih dijelova tamnoplava (kataloški broj Wulmark teget 2304), osim za kožnate dijelove i obuću koji su izrađeni u crnoj boji).

Članom 4. Uredbe propisano je da će se na desnom rukavu uniforme u štitu nalaziti grb Federacije Bosne i Hercegovine s dvojezičnim natpisom : "FEDERACIJA BOSNE I HERCEGOVINE", "POLICIJA", a na lijevom rukavu amblem (oznaka) kantona, ukoliko ga je utvrdilo nadležno kantonalno tijelo.

Članom 6. Uredbe propisano je da su Tehničke karakteristike jedinstvene policijske uniforme u Federaciji Bosne i Hercegovine kojima je propisan oblik (kroj) i izrada uniforme i dijelova uniforme sastavni dio Uredbe o jedinstvenoj policijskoj uniformi.

Članom 7. Uredbe propisano je da federalni i kantonalni ministar unutrašnjih poslova može propisati, izuzetno od odredbe člana 2. ove Uredbe i, u granicama svoje nadležnosti, posebne uniforme (konjička, uniforma za kadete, ljetna bijela uniforma, uniforma za pripadnike

helikopterske jedinice i sl.) kao i dopunske dijelove uniforme za obavljanje poslova i zadataka u specifičnim geografskim i klimatskim uslovima.

Što se tiče zastupničke inicijative gosp. Rasima Lakote od 02.10.2017. godine, po Informaciji Sektora za pravne, kadrovske, logističke poslove, edukaciju i analitiku Uprave policije, koja se tiče provedenog postupka nabavke uniforme za pripadnike policije MUP-a KS, koja je provedena u 2011 godini, na osnovu zahtjeva Uprave policije broj 02/PK-1-821/11 od 04.08.2011. godine, a u skladu sa Uredbom o jedinstvenoj policijskoj uniformi FBiH („Službene novine FBiH” broj: 43/10) i Pravilnikom o jedinstvenoj policijskoj uniformi u Federaciji Bosne i Hercegovine, formirana je Komisija MUP-a KS i to rješenjem broj 01-564/11 od 08.06.2011. godine.

Predmet nabavke je bio nabavka muške i ženske radno taktičke uniforme za policijske službenike.

Tom prilikom je zatražena nabavka 1000 kompleta muške, te 100 kompleta uniforme ženske, kao i dijelova uniforme koji su propisani navedenom Uredbom.

Postupak je pokrenut obavještenjem o nabavci koji je objavljen u „Službenom glasniku BiH“ broj: 68/11 od 29.08.2011. godine.

Predmeti nabavke su nabavljeni od 6 ponuđača, a ukupna i plaćena cijena za navedene artikle je iznosila 818.637,00 KM sa PDV, te su isti preuzeti u centralni magacin MUP-a KS.

Uniforma je podijeljena na osnovu rasporednog naloga Uprave policije, te su policijski službenici ovog Ministarstva istu zadužili, s tim da je nisu upotrebljavali.

Nakon izvjesnog vremena, u toku 2012.godine je donesena odluka da se navedena uniforma povlači sa zaduženja od policijskih službenika, jer je nakon provedene analize pojedinih dijelova uniforme konstatovano da pojedini dijelovi uniforme ne ispunjavaju zadate tehničke karakteristike i ista je, potpuno neupotrebljavana, odnosno u stanju u kakvom je isporučena od strane dobavljača, vraćena u centralni magacin. Uniforma kao i obuća je uskladištena u CMR. Čizme i cipele su i na današnji dan predmet sudskog spora, te MUP-a KS ima za obavezu da iste do okončanja zadrži deponovane.

Dana 13.05.2013. godine, na prijedlog tadašnjeg policijskog komesara, tadašnji ministar unutrašnjih poslova Kantona Sarajevo je donio Pravilnik o posebnoj uniformi za specifične geografsko-klimatske uslove policijskih službenika Uprave policije Ministarstva unutrašnjih poslova Kantona Sarajevo broj: 01-303/13, uprkos činjenici da je na pravnoj snazi u tom trenutku i još uvijek je, Pravilnik o posebnim uniformama policijskih službenika Uprave policije Ministarstva unutrašnjih poslova Kantona Sarajevo i dopunskim dijelovima jedinstvene policijske uniforme za obavljanje poslova i zadataka u specifičnim geografskim i klimatskim uvjetima, broj: 01-953/11 od 19.10.2011. godine, koji je donijet u skladu sa naprijed pomenutom Federalnom Uredbom i Pravilnikom o jedinstvenoj policijskoj uniformi u Federaciji BiH.

Na osnovu Plana nabavke posebne uniforme za specifične geografsko-klimatske uslove uniformisane policije MUP-a KS, broj 02/PK-1-453/13 od 23.05.2013. godine, predviđena je nabavka gore navedene uniforme za 1100 pripadnika policije. Navedeni Plan nabavke je donesen na osnovu novog gore pomenutog Pravilnika broj: 01-303/13 od 13.05.2013. godine. Nabavka se je odnosila na 1000 uniformi za muške pripadnike i 100 uniformi za žene pripadnike policije.

Takođe plan je sastavljen na osnovu Pravilnika o posebnim uniformama za specifične geografsko-klimatske uslove broj 01-303/13 od 13.05.2013. godine koji je donešen od strane ministra MUP-KS na osnovu člana 17. stav 2. tačka 3. Zakona o unutrašnjim poslovima Kantona Sarajevo („Službene Novine KS“ broj 22/00-prečišćeni tekst 15/02, 18/02 i 28/02) i člana 7. Uredbe o jedinstvenoj policijskoj uniformi F BiH („Službene novine FBiH“, broj: 43/10), kojom je propisano da kantonalni ministar unutrašnjih poslova može izuzetno od odredbe člana 2. navedene Uredbe i u okviru svoje nadležnosti propisati posebne uniforme, kao i dopunske dijelove uniforme za obavljanje poslova i zadataka u specifičnim geografskim i klimatskim uslovima.

Na Pravilnik je zatraženo mišljenje ureda za zakonodavstvo Vlade Kantona Sarajevo broj 09-02-8631/13 od 16.04.2013. godine, kao i mišljenje Ministarstva pravde i uprave KS broj 03-07-02-8632/13 od 15.04.2013. godine, koje je i dostavljeno od gore navedenih organa.

Na Pravilnik je naknadno donesen i Pravilnik o dopunama Pravilnika o posebnoj uniformi broj 01-365/16 od 25.07.2016. godine, a koji se odnosi na izradu nove oznake sa imenom i prezimenom policijskog službenika.

Na osnovu zahtjeva i hitnosti postupka nabavke (prvenstveno zbog istrošenosti/pohabanosti starih uniformi), formirana je komisija rješenjem br. 01-185/13 koja je zadužena za gore navedene postupke. Naime tim planom je predviđena nabavka policijske uniforme.

Komisija za nabavke MUP-a KS, je u skladu sa navedenim planom kao i pravilnikom, dana 10.06.2013. godine izvršila objavljivanje obavještenja o javnoj nabavci policijske uniforme broj 202-1-1-1-176/13 i to u vidu međunarodnog otvorenog postupka gdje je postupak u potpunosti proveden u skladu sa Zakonom o javnim nabavkama BiH. Potrebnu specifikaciju količina za nabavku policijskih uniformi dostavila je Uprava policije svojim aktom broj 02/PK-1-453/13 od 23.05.2013.godine.

U toku postupka je od strane zainteresiranih ponuđača, dostavljen određeni broj žalbi, te su iste zbog neutemeljenosti proslijeđene drugostepenom organu (Ured za žalbe), na daljnje postupanje i odlučivanje. Ured za žalbe BiH je poslije procedura i odbacivanja žalbi, izdao rješenje o nastavku postupka te je 27.12.2013. izvršeno otvaranje i odabir najpovoljnijeg ponuđača sa kojim je po završetku postupka i sklopljen ugovor o isporuci navedene uniforme. Ugovor je zaključen sa firmom KM Trade Visoko, cijena predmeta nabavke kompleta uniforme za 5 lotova je iznosila 1.250.964,00 KM, a cijena policijske obuće za 2 lota je iznosila 551.479,50 KM. Firma sa kojom je zaključen ugovor, je izvršila isporuku navedene uniforme uz dostavljenu kompletnu dokumentaciju vezanu za nabavku i zahtjevane ateste akreditovane institucije iz BiH o izvršenoj analizi, kao i ukladenosti sa zahtjevanim tehničkim karakteristikama sa Pravilnikom o posebnim uniformama za specifične geografsko-klimatske uslove.

Uniforme su isporučene u centralni magacin MUP-a KS, te su primljene uz komisijski pregled. Zaduženje uniformi je provedeno odmah po isporuci, na osnovu naredbe tadašnjeg policijskog komesara MUP-KS, sa istom su zaduženi svi policijski službenici u Upravi policije koji nose uniformu i ista je, od tada do današnjeg dana, neprekidno tokom cijele godine u upotrebi od strane policijskih službenika na području Kantona Sarajevo.

Na osnovu zahtjeva kantonalnih ministarstava unutrašnjih poslova u FBiH, Vlada KS u više navrata donosi odluku da se uniforma i dijelovi uniformi koji su bili predmet nabavke pozajmljuju putem reversa slijedećim ministarstvima u određenim količinama i to:

1. Odlukom Vlade broj 02-05-945-30/15 od 21.01.2015. godine MUP-u Bosansko-podrinjskog i Posavskog kantona odobrena je pozajmica policijske uniforme i to 200 komada uniformi za Bosansko-podrinjski kanton i 160 komada uniformi za Posavski kanton, uz revers o pozajmici.
2. Odlukom Vlade Kantona Sarajevo od 21.03.2015. godine MUP-u Srednjobosanskog kantona - Policijska uprava Kiseljak dodjeljuje se na revers 31 komplet uniformi.
3. Odlukom Vlade Kantona Sarajevo broj 02-05-29664-2/15 od 13.11.2015. godine dodjeljuje se pozajmica putem reversa i to; 300 kompleta uniformi MUP-u Unsko-sanskog kantona.
4. Odlukom Vlade Kantona Sarajevo broj: 02-05-26600-26/16 od 08.09.2016. godine, odobrava se MUP-u KS da dodjeli pozajmicu putem reversa za MUP Unsko-sanskog kantona i to u količini kako slijedi; jakne ljetne 149 komada, jakne zimske 149, pantalone taktičke 149, košulje dugi rukav 1043, košulja kratki rukav 1192, košulja ljetna 894, pantalone sa pilot džepovima 298 i kačketa 298 (Ova Odluka Vlade Kantona Sarajevo nije realizovana, a za ostale nisam upoznat).

Dostavljeno:

- Naslovu,
- a/a.

MINISTAR

Vedran Mulabdić